



## Lembaran Pendedahan Produk

# Insurans Pemain Golf

Sila baca Lembaran Pendedahan Produk ini sebelum anda membuat keputusan untuk membeli Insurans Pemain Golf. Pastikan juga anda telah membaca terma-terma dan syarat-syarat am.

## 1. Apakah produk ini?

Polisi ini menanggung rugi anda terhadap kerugian atau kerosakan yang berlaku semasa anda berlatih atau bermain golf di mana-mana kelab golf atau padang golf yang diakui di mana-mana tempat di dunia kecuali Amerika Syarikat dan Kanada.

## 2. Apakah perlindungan/ manfaat yang disediakan?

Polisi ini disediakan dalam 2 jenis pelan. Tempoh perlindungannya selama satu tahun. Anda dikehendaki membaharui polisi insurans anda setiap tahun.

Perlindungan	Jumlah Diinsuranskan / Had Indemniti	
	Pelan Bajet	Pelan Penuh
<ul style="list-style-type: none"> <li>Liabiliti kepada awam               <ul style="list-style-type: none"> <li>Liabiliti undang-undang terhadap kecederaan badan pihak ketiga akibat kemalangan dan kerosakan harta pihak ketiga akibat kemalangan</li> </ul> </li> </ul>	<ul style="list-style-type: none"> <li>RM500,000 bagi mana-mana satu kemalangan atau siri kemalangan yang timbul daripada satu kejadian</li> </ul>	<ul style="list-style-type: none"> <li>RM2,000,000 bagi mana-mana satu kemalangan atau siri kemalangan yang timbul daripada satu kejadian</li> </ul>
<ul style="list-style-type: none"> <li>Kemalangan diri</li> </ul>	<ul style="list-style-type: none"> <li>RM50,000</li> </ul>	<ul style="list-style-type: none"> <li>RM200,000</li> </ul>
<ul style="list-style-type: none"> <li>Peralatan golf</li> <li>Barang persendirian</li> </ul>	<ul style="list-style-type: none"> <li>RM2,500 bagi mana-mana satu tempoh perlindungan</li> <li>RM1,000 bagi mana-mana satu tempoh perlindungan</li> </ul>	<ul style="list-style-type: none"> <li>RM10,000 bagi mana-mana satu tempoh perlindungan</li> <li>RM5,000 bagi mana-mana satu tempoh perlindungan</li> </ul>
<ul style="list-style-type: none"> <li>Bugi</li> </ul>	<ul style="list-style-type: none"> <li>RM1,500 bagi mana-mana satu tempoh perlindungan</li> </ul>	<ul style="list-style-type: none"> <li>RM2,500 bagi mana-mana satu tempoh perlindungan</li> </ul>
<ul style="list-style-type: none"> <li>Masuk Langsung</li> </ul>	<ul style="list-style-type: none"> <li>RM1,000 bagi mana-mana satu tempoh perlindungan</li> </ul>	<ul style="list-style-type: none"> <li>RM5,000 bagi mana-mana satu tempoh perlindungan</li> </ul>

## 3. Bolehkan saya mengembalikan semula amaun asal polisi selepas membuat satu tuntutan?

Tiada sebarang pengembalian semula automatik dibenarkan. Ia tertakluk kepada pertimbangan pihak syarikat.

## 4. Berapakah premium yang saya perlu bayar?

Jumlah premium yang anda perlu bayar bergantung kepada jenis pelan yang anda pilih:

Pelan Bajet : RM 88.00

Pelan Penuh : RM 335.00

Jumlah premium tahunan yang anda perlu bayar ialah : RM \_\_\_\_\_

## 5. Apakah yuran dan bayaran yang saya perlu bayar?

- Cukai Perkhidmatan : 6%
- Duti setem : RM10.00
- Komisen dibayar kepada pengantara insurans (jika ada) : 25% daripada premium atau RM \_\_\_\_\_

## 6. Apakah terma dan syarat utama yang saya harus ketahui?

### Keperluan pendedahan

- Menurut Perenggan 5 daripada Jadual 9 Akta Perkhidmatan Kewangan 2013, jika anda memohon Insurans ini sepenuhnya untuk tujuan yang tidak berkaitan perdagangan, perniagaan atau profesion anda, anda mempunyai kewajipan untuk mengambil langkah yang munasabah untuk tidak salah nyata dalam menjawab soalan-soalan di dalam Borang Cadangan (atau semasa memohon insurans ini). Anda dikehendaki menjawab soalan-soalan dalam Borang Cadangan ini dengan lengkap dan tepat.
- Kegagalan untuk mengambil langkah yang munasabah dalam menjawab soalan-soalan, mungkin mengakibatkan pembatalan kontrak insurans anda, keengganan atau pengurangan gantirugi, perubahan terma atau penamatan kontrak insurans anda.
- Kewajipan pendedahan di atas hendaklah diteruskan sehingga kontrak insurans anda dimeterai, diubah atau diperbaharui dengan kami.
- Sebagai tambahan kepada soalan-soalan di dalam Borang Cadangan (atau semasa memohon insurans ini), anda dikehendaki untuk mendedahkan apa-apa perkara lain yang anda tahu akan mempengaruhi keputusan kami dalam menerima risiko dan menentukan kadar dan terma yang dikenakan.

- Anda juga mempunyai kewajiban untuk memberitahu kami dengan serta-merta jika pada bila-bila masa selepas kontrak insurans anda ditandatangani, diubah atau diperbaharui dengan kami (atau semasa permohonan insurans ini), apa-apa maklumat yang dinyatakan dalam Borang Cadangan tidak tepat atau sudah berubah.
- Perlindungan di bawah Liabiliti kepada Awam - anda tidak harus mengkuai, menawar, menjanjikan atau membayar kepada pihak menuntut tanpa kebenaran bertulis daripada pihak kami.
- Anda harus memaklumkan ejen atau pihak kami secara bertulis tentang sebarang perubahan material sepanjang tempoh polisi supaya pindaan-pindaan yang wajar diendorskan pada polisi anda.

## 7. Apakah pengecualian utama di bawah polisi ini?

Polisi ini tidak melindungi:

- Sebarang kerugian turutan
- Denda, penalti, ganti rugi punitif dan teladan
- Risiko perang dan mana-mana tindakan keganasan
- Risiko radioaktif dan tenaga nuklear
- Tuntutan yang timbul daripada “Sindrom Toksik Protein Lateks” dan Asbestos

Nota: Senarai ini bukannya senarai yang lengkap. Sila rujuk kontrak polisi untuk senarai penuh bagi pengecualian di bawah polisi ini.

## 8. Bolehkah saya batalkan polisi ini?

Anda boleh membatalkan polisi ini dengan memberi notis bertulis kepada pihak kami. Selepas pembatalan, anda layak mendapat pemulangan premium ditolak premium pada kadar tempoh singkat bagi tempoh polisi yang telah berkuatkuasa, tertakluk kepada premium minimum yang ditahan oleh pihak kami. Tiada pemulangan premium dibenarkan jika timbulnya tuntutan di bawah polisi ini.

## 9. Apakah yang harus saya lakukan jika terdapat perubahan dalam butiran peribadi saya?

Adalah penting bagi anda untuk memaklumkan pihak kami tentang sebarang perubahan mengenai maklumat anda bagi memastikan semua surat-menyurat dapat disampaikan kepada anda tepat pada masanya. Anda boleh memberikan maklumat anda yang terkini melalui ejen kami yang diberikuasa, cawangan atau perkhidmatan pelanggan kami.

## 10. Dari manakah boleh saya dapatkan informasi yang lebih terperinci?

Sekiranya anda memerlukan informasi tambahan mengenai Insurans Pemain Golf atau mana-mana jenis produk insurans yang pihak kami sediakan, sila hubungi kami atau mana-mana cawangan kami atau pengantara insurans anda atau layari laman web kami di [www.tokiomarine.com](http://www.tokiomarine.com)

Tokio Marine Insurans (Malaysia) Berhad  
Level 20, Menara Hap Seng 3,  
Plaza Hap Seng, No. 1, Jalan P. Ramlee,  
50250 Kuala Lumpur.

Customer Service Hotline: 1800 88 0812  
Email: [letusknow@tokiomarine.com.my](mailto:letusknow@tokiomarine.com.my)

### NOTA PENTING

Anda dinasihatkan untuk memahami jadual manfaat untuk kematian dan hilang upaya di dalam polisi insurans anda. Anda dinasihatkan untuk melantik penama dan memastikan penama anda tahu tentang polisi kemalangan diri yang anda beli. Anda hendaklah membaca dan memahami polisi insurans dan berbincang dengan pengantara insurans anda atau hubungi kami untuk keterangan lanjut.

Informasi yang disediakan dalam lembaran pendedahan ini adalah sah pada 01/09/2018

Tokio Marine Insurans (Malaysia) Berhad dilesenkan di bawah Akta Perkhidmatan Kewangan 2013 dan dikawalselia oleh Bank Negara Malaysia.